

卷一百三十一



書名 杜氏通典二百卷 嘉靖十八年西樵方獻夫刊本
 撰者 唐 杜佑 撰, 明 王德益、吳鵬 同校
 卷 卷一百三十一
 內容分類 史 政書 歷代通制
 索書號 貴重-17
 編號 B3510400

杜氏通典卷第二十五

職官七

諸卿上 總論諸卿
 諸卿少卿附

奉禮郎 主簿 博士 太祝 兩京郊社署

太樂署 鼓吹署 太醫署 太公廟等署

太卜署 廩犧署 汾祠 太官署 珍羞署

良醞署 主簿 掌醢署 武庫署 武器署 左右都候

丞 守宮署 主簿 武庫署 馬令 武器署

丞 諸陵署 主簿 崇玄署 諸牧監 典廩署

丞 典牧署 主簿 乘黃署 諸牧監 典廩署

司直 丞 評事 監 獄丞

彩色首頁1

東洋文化研究所漢籍目錄 編號: B3510400
 東洋文化研究所漢籍目錄所藏漢籍善本文影像資料庫 索書號: 貴重-17
 漢籍善本文影像資料庫文本杜氏通典二百卷 嘉靖十八年西樵方獻夫刊本
 版權所有: 東京大學 東洋文化研究所
 使用上的注意事項

者入

杜氏通典卷第二百三十終

杜氏通典卷第一百三十一

禮九十一

大賓一 纂類二十六 唐開元禮二十六

蕃主來朝以束帛迎勞

遣使戒蕃主見日

蕃主奉見

受蕃國使表及幣

皇帝宴蕃國主

皇帝宴蕃國使

蕃主來朝以束帛迎勞

前一日守宮設次於候館門之外道右南向其日使者至掌次者引就次蕃主服其國服所司引立於東

堂下西面

凡蕃主進上皆主司先引制使皆謁者前導

使者朝服出次立

於門西東面從者執東帛立於使者之南蕃主有司

出門東西面曰敢請事使者曰奉制勞其主

稱其國名有

司入告蕃主迎於館門外之東西面再拜使者與蕃

主俱入使者先升立於西階上執東帛者從升立於

使者之北俱東面蕃主升立於東階上西面使者執

幣稱有制蕃主將下拜使者曰有後制無下拜蕃主

旋北面再拜稽首使者宣制訖蕃主進受幣

束五尺為一束

其蕃主各勞各以土物其少多相准不得使勞幣勞於遠郊其禮同蕃主還遺贈於遠郊亦如之勞蕃使

即束帛也退復位以幣授左右又稱再拜稽首使者降出

立於館門之外西東面蕃主送於館門之外西面止

使者蕃主揖使者俱入揖讓升蕃主先升東階上西

面使者升西階上東面蕃主以土物僮使者再拜受

蕃主再拜送物使者降出蕃主從出門外皆如初蕃

主再拜送使者還蕃主入鴻臚迎引詣朝堂依方北

面立所司奏聞舍人承敕出稱有敕蕃主再拜宣勞

訖又再拜所司引就館如常儀

遣使戒蕃主見日

前一日守宮設次於館門之外道右南向其日使者

至掌次者引就次蕃主服其國服降立於東階下西

面蕃國諸官立於蕃主之後西面北上使者服朝

服出次立於門西東面蕃主有司出門東西面曰敢

請事使者曰奉制戒集某主見口有司入告蕃主迎於館門外之東西面再拜使者與蕃主俱入使者升自東階西面使者稱有制蕃主再拜宣制曰某日見蕃主又再拜稽首使者降出蕃主送於館門之外西面再拜使者還蕃主入

蕃主奉見

奉辭禮同

前一日尚舍奉御整設御幄於太極殿北壁南向守宮設次太樂令展宮懸設舉麾位於上下鼓吹令設十二案乘黃令陳車輅尚輦奉御陳輿尚舍奉御鋪蕃主牀座於御座西南東向並如常儀設蕃主版位於懸南又設蕃國諸官之位於蕃主後依其班重行

北面以西爲上設典儀位於懸之東北贊者二人在南差退西面諸衛各勒所部列黃麾仗屯門及陳於殿庭太樂令帥工人入就位協律郎入就舉麾位所司迎引蕃主於承天門外通事舍人引就次本司入奏鈸戟近仗入陳如常典儀帥贊者先入就位侍中板奏請中嚴諸侍衛之官各服其器服符寶即奉寶俱詣閣奉迎蕃主服其國服出通事舍人引立於閣外西廂東面若更有諸蕃以國大小爲序蕃國諸官各服其服立於蕃主之後俱東面北上侍中版奏外辦皇帝服通天冠絳紗袍乘輿以出曲直華蓋警蹕侍衛如常儀皇帝將出仗動太樂令令撞黃鍾之鐘右五鐘皆應

協律郎舉麾鼓祝奏太和之樂及姑洗之音皇帝出
自西房即御座南向座符寶即奉寶置於御座侍衛
如常偃麾戛敵樂止如常通事舍人引蕃主入門舒
和之樂作至位樂止典儀曰再拜贊者承傳蕃主再
拜稽首侍中承制降詣蕃主西北東面稱有制蕃主
再拜稽首宣制訖蕃主又再拜稽首侍中面奏又承
制降勞勅命升坐蕃主再拜稽首舍人引蕃主樂作
蕃主上階樂止舍人接引升至座後蕃主就座俛伏
坐侍中承制勞問蕃主俛伏避席將下拜侍中承制
曰無下拜蕃主復位拜對如常侍中回奏又承制勞
還館舍人引蕃主降自西階典謁者承引樂作復懸

南位樂止蕃主再拜稽首訖舍人引蕃主樂作蕃主
出門樂止初蕃主升坐舍人引蕃主諸官以次入就
位立定典儀曰再拜贊者承傳蕃國諸官俱再拜稽
首舍人承勅降詣西階畔蕃國諸官西北東面稱勅
旨蕃國諸臣俱再拜稽首宣勅訖蕃國諸官俱再拜
稽首對訖又再拜稽首舍人回奏又承勅降勞還館
蕃國諸官俱再拜稽首於階蕃主出舍人引蕃國諸
官以次出訖侍中前跪奏稱侍中臣某言禮畢俛伏
興還侍位皇帝興太樂令令撞蕤賓之鐘左五鐘皆
應鼓祝奏太和之樂皇帝降座乘輿入自東房侍衛
警蹕如常儀侍臣從至閣樂止

受蕃國使表及幣

其勞及戒見
日如上儀

前一日尚舍奉御整設御幄於御殿之北壁南向守
宮設使者次太樂令展宮懸舉麾位於上下並如常
儀其日典儀設使者位於懸南重行北面以西爲上
庭實位於客前設典儀位於懸之東北贊者二人在
南差退俱西面諸衛勒所部列黃麾半仗屯門及入
陳於殿庭太樂令帥工人入就位如常儀符寶即奉
寶俱詣閣奉迎使者服其國服奉書出次通事舍人
引立於閣外西廂東面從者執幣玉庭實立於後俱
東面北上侍中版奏外辦皇帝服通天冠乘輿以出
曲直華蓋警蹕侍衛如常儀皇帝將出仗動太樂令

令撞黃鐘之鐘如上儀符寶即置寶於座侍衛如常

儀樂止中書侍郎一人令史二人持案先伺於西階

東面北上舍人引使者及庭實入就懸南位使者初

入門太和之樂作立定樂止

大蕃大使爲設樂次蕃
大使及大蕃中使以下

皆不設樂懸
及黃麾仗

中書侍郎帥持案者進詣使者前東面

侍郎受書置於案迴詣西階侍郎取書升奏持案者

退初侍郎奏書有司各帥其屬受幣馬於庭典儀曰

再拜贊者承傳使者以下皆再拜舍人前承制降詣

使者前問蕃國主使者再拜對訖又再拜舍人迴奏

又承勅問其臣下使者再拜對又勞使者以下對拜

及舍人迴奏並如常儀舍人承制勅勞還館使者以

上皆再拜舍人引使者以出樂作止如常儀侍中前跪奏稱侍中臣某言禮畢俛伏興還侍位皇帝與太樂令令撞蕤賓之鐘如上儀侍臣從至閣樂止

皇帝宴蕃國主

前一日尚舍奉御整設御幄於御殿之北壁南向尚食奉御太官令命各具饌守宮設次太樂令設登歌於殿上展宮懸於殿庭舉麾位於上下鼓吹設十二案乘黃令陳車輅尚輦奉御陳輿輦並如常儀其日尚舍奉御鋪蕃主牀座於御座西南蕃國諸官應升殿者座於蕃主之後設不升殿者坐席於西廊下俱東面北上尚食奉御設御酒樽太官令設蕃主以下



酒樽並如常儀設蕃主版位於懸南又設蕃國諸官之位於蕃主之後俱重行北面上設典儀位於懸之東北如常儀諸衛各勒所部列黃麾仗屯門及陳於殿庭太樂令帥工人二舞入就位協律郎入就舉麾位所司迎引蕃主至承天門外通事舍人引入次凡蕃客出入升降所司入奏釵戟近仗入陳如常典儀帥客出入升降者先入跪位侍中版奏請中嚴諸侍衛之官各服其器服符寶即奉寶俱詣閣奉迎蕃主服其國服出次通事舍人引立於閣外西廂東面蕃國諸官各服其國服立於蕃主之後俱東面北上侍中版奏外辨皇帝服通天冠絳紗袍乘輿以出曲直華蓋警蹕侍

衛並如常儀皇帝將出仗動太樂令撞黃鐘如上儀
一人升立於東階上贊者二人立於階西面通事舍
人引蕃主入蕃國諸官從入蕃主入門舒和之樂作
蕃主至位樂止其有獻物則從之入陳於蕃主之前
以西爲上立定典儀曰再拜贊者承傳蕃主及蕃國
諸官皆再拜侍中承旨降勅蕃主升座蕃主再拜蕃
主奉贊其贊隨其國所有以輕者爲之曰某國蕃臣某敢獻壤奠
侍中升奏又侍中承旨曰朕其受之侍中降於蕃主
東北西面稱有制蕃主再拜宣制訖蕃主又再拜訖
以贊授侍中侍中以贊授所司又所司受其餘幣俱
以東舍人承旨降勅蕃國諸官等座蕃國諸官皆再

拜通事舍人引蕃主又通事舍人引蕃國諸官應升
殿者詣西階蕃主初行樂作至階樂止通事舍人各
引升立於座後初蕃國諸官詣西階其不升殿者通
事舍人分引於廊下階後立定殿上典儀唱就座階
下贊者承傳蕃主以下皆就坐俛伏坐太樂令引歌
者及瑟瑟至階脫履於下引就座位笙管者就階間
北面立尚食奉御進酒至階殿上典儀唱酒至興階
下贊者承傳蕃主以下皆俛伏興立座後殿中監到
階省酒尚食奉御奉酒進皇帝舉酒良醞令又行酒
殿上典儀唱再拜階下贊者承傳蕃主以下皆再拜
訖播笏受解殿上典儀唱就座階下贊者承傳蕃主

以下皆就座俛伏坐飲皇帝初舉酒登歌作昭和三
終尚食奉御進受虛解奠於地登歌訖降復位賜行
三周尚食奉御進食食升階殿上典儀唱食至興階
下贊者承傳蕃主以下皆執笏俛伏興立座後殿中
監到階省按尚食奉御品嘗食訖以次進置御前太
官令又行蕃主以下食案設訖殿上典儀唱就座階
下贊者承傳蕃主以下皆就座俛伏興皇帝乃飯休
和之樂作蕃主以下皆飯御食畢樂止蕃主以下食
訖尚食太官俱徹案又行酒遂設庶 五二舞以次入
作若賜酒舍人前承旨詣受賜者前蒙賜者執笏俛
伏起立座後舍人稱賜酒蒙賜者再拜酒至蒙賜者

搢笏受解就食俛伏坐飲卒解俛伏起立授虛解又
再拜就席俛坐會畢通事舍人贊蕃主興蕃主以下
皆俛伏興立座後通事舍人引降樂作復懸南位定
立典儀曰再拜贊者承傳蕃主以下皆再拜若有筐
篚舍人前承旨降宣勅蕃主以下皆再拜太傅帥其
屬以衣物以次授之訖蕃主以下又再拜通事舍人
引出樂作至門樂止侍中前跪奏稱侍中臣某言禮
畢俛伏興還侍位皇帝興太樂令令撞鈸實之鐘如
常儀

皇帝宴蕃國使

前一日尚舍奉御設御幄於所御之殿北壁南面太

官令具饌于宮設使者次太樂令展宮懸於殿庭設
舉麾位於上下並如常若大蕃中使及中蕃大使其
以下則不設樂及黃麾伏其
日尚舍奉御鋪使者牀坐於御坐面南設不升殿者
坐席於西廊下俱東面北上典儀設使者位於懸南
重行北向東上設典儀贊者位於懸之東北如常儀
諸衛各勒所部列黃麾半仗皆與上儀同蕃使以下
服其國服出次通事舍人引立於闕外西廂東面從
者立於使者之後重行東面北上侍中版奏外辦皇
帝服通天冠絳紗袍與上儀同典儀一人升立東階
上贊者二人立於階下俱西面典儀引使者以下入
就懸南位使者初入門舒和之樂作至位樂止立定



典儀曰再拜贊者承傳使者以下皆再拜舍人前承
旨降勅使者升座使者以下皆再拜通事舍人引應
升殿者詣西階樂作止如常通事舍人引升立於座
後其不升殿者分引詣廊下席後上下立定殿上典
儀唱就座階下贊者承傳上下諸客皆就座俛伏坐
酒至階殿上典儀唱酒至興階下贊者承傳上下諸
客皆俛伏興立座後太官行酒殿上典儀唱再拜階
下贊者承傳上下諸客皆再拜搯笏受釀殿上典儀
唱就座階下贊者承傳蕃使以下諸客皆就座俛伏
坐飲觴行三周食升階殿上典儀唱食至興階下贊
者承傳上下諸客皆執笏俛伏興立座後太官令行

諸客案設食訖殿上典儀唱就座階下贊者承傳上
下諸客皆就座俛伏坐上下諸客皆飯諸客食訖太
官令俱徹案又行酒遂設庶羞二舞以次入作若賜
酒舍人前承旨詣受賜者前蒙賜者執笏俛伏起立
座後舍人稱賜酒蒙賜者再拜餘與宴蕃國主禮同
皆倣上儀

杜氏通典卷第一百三十一終





不 許 複 製

NOT TO BE REPRODUCED

東京大学東洋文化研究所